

منه لکی درسعات ایچون مجیدیه
یکرمی غروش حسابیله التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

کانون ثانی

آبونه اولقی ایستینلر دائره عدلیه ده
اداره مخصوصه سنه مراجعت
ایتملیدر

اعلاناتک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور . محتویاتی امور عدلیه به متعلقدر

تجربیات

محکمه تمیز اعضانی درسعات استیناف
محکمه سی حقوق قسمی ریسی سعادتلو اسماعیل حق
افندی حضرتلرینه

درسعات استیناف محکمه سی حقوق قسمی ریاستی
عدلیه نظارت جلیله سی امور حقوقیه مدیری سعادتلو
ابراهیم بک افندی حضرتلرینه

امور حقوقیه مدیریتی بک اوغلی بدایت محکمه سی
رییس اولی سعادتلو حافظ علی رضا افندی به

بک اوغلی بدایت محکمه سی ریاست اولامی
درسعات بدایت محکمه سی ایکنجی حقوق دائره سی
ریسی فضیلتلو اسماعیل سراج الدین بکه

درسعات بدایت محکمه سی ایکنجی حقوق
دائره سی ریاستی اسکدار بدایت محکمه سی جزا
دائره سی ریسی سعادتلو علی رضا بک افندی حضرتلرینه

اسکدار بدایت محکمه سی جزا دائره سی ریاستی
بک اوغلی بدایت محکمه سی اعضاسندن سعادتلو
حیدر بکه

بک اوغلی بدایت محکمه سی اعضانی درسعات
استیناف محکمه سی اعضا ملازملرندن عزتلو حاجی
ابراهیم خلیل بکه

درسعات استیناف محکمه سی اعضا ملازملکی
محکمه تمیز حقوق دائره سی میزملرندن فضیلتلو
شکری بکه

قونیه ولایتی استیناف محکمه سی مدعی عمومیلکی
آیدین ولایتی استیناف محکمه سی مدعی عمومیلکی
سعادتلو راغب بکه

آیدین ولایتی استیناف محکمه سی مدعی عمومیلکی
بیروت ولایتی استیناف محکمه سی مدعی عمومیلکی
عزتلو زهدی افندی به

بیروت ولایتی استیناف محکمه سی مدعی عمومیلکی
خداوندکار ولایتی استیناف محکمه سی مدعی عمومیلکی
عزتلو حکمت بکه

خداوندکار ولایتی استیناف محکمه سی مدعی

عمومیلکی اسکدار بدایت محکمه سی مدعی عمومیلکی
عزتلو رأفت بکه

اسکدار بدایت محکمه سی مدعی عمومیلکی
بک اوغلی بدایت محکمه سی مستنطق اعضاسندن عزتلو
احسان بکه

بک اوغلی بدایت محکمه سی مستنطق اعضانی
درسعات استیناف محکمه سی جنایت قسمی باش کاتبی
رفعتلو رفعت بکه

مجدداً تشکیل بیوریلان سلانیک محکمه فوق -
العاده سی ریاستی ادرنه و سلانیک ولایتلری عدلیه
مفتشلرندن سعادتلو خلوصی افندی به

محکمه مذکوره اعضانی سلانیک ولایتی مرکز
بدایت محکمه سی مدعی عمومی معاونی فتوتلو مظهر
افندی به

محکمه مذکوره اعضانی سیروزسجانی بدایت
محکمه سی جزا دائره سی ریسی عزتلو شا کر بکه
محکمه مذکوره اعضانی سلانیک ولایتی

استیناف محکمه سی اعضاسندن دیمتری افندی به
محکمه مذکوره اعضانی سلانیک ولایتی
استیناف محکمه سی اعضاسندن امانوئل لاپچف افندی به

تفویض بیورلمش و مشار و مومی الیهم ذاتاً محاف
بولتمشدر .

تجربیات

رسم تمغای قانونی احکامنجه اخذی اقتضا ایدن
جزای تقدیلری ایفا خصوصنده تعند ایدنلرک دائره
اجراجه جزا قانوننامه هایونه توفیقاً حبس صورتیله می

یوقسه اموال منقوله و غیر منقوله لرینه مراجعت
طریقیه می معامله اتخاذای ایجاب ایده چکنک استفسار
رینی متضمن مدانیه قضاسی بدایت محکمه سی ریاستندن

وارد اولان ۴ اغستوس سنه ۳۲۲ تاریخلی شقه ایله
ملفوفی النجمن عدلیه به لدی الحواله جرائمدن متولد
تضمینات شخصییه دعوالریله بوقیل جزای تقدیلره

متدائر بولنان مقررآتک صور اجرائیه سی دستورک
دردنجی جلدینک سکر یوز ایکنجی صحیفه سنده مرقم
۱۹ کانون ثانی سنه ۲۹۵ تاریخلی نظامنامه ده کوستر-
لدیکی اوزره محکوم علیک اثبات اقتدارینه حاجت
اولقسزین طقسان برکون مدت حبس ویا اموال
واملاکنک جزو فروختی صورتیله اعلانات حقوقیه نک
تنفیدی حقه ده مؤسس اولان قانون احکامنه تابع
اولدیغندن احوال مماثلده اکا کوره اقتضا ایدن
معامله نک ایفاسی خصوصنک جواباً مذکور ریاسته
تبلیغی افاده قلمشدر .

محاکمات و مقررات

محکمه تمیز استعدا دائره سندن تنظیم واعطا
قلنان اعلامدر :

حلب ولایتی هیئت اتهامیه سندن لاحق اولوب
۲۴ مایس سنه ۳۲۰ تاریخنده تبلیغ ایدیلان وظیفه
قرارینی حاوی مضبطه نک تمیزینی مستدعی ولایت
مذکوره استیناف محکمه سی مدعی عمومیلکی طرفندن
ویریلان ۲۷ مایس ۳۲۰ تاریخلی استدعنامه واوراق
مقرعه سی باش مدعی عمومیلک مأموریت بهیه سنک
۱۶ تموز سنه ۳۲۲ تاریخلی تبلیغنامه سیله محکمه تمیز
استعدا دائره سنه تودیعی اولمغله لدی التدقیق مذکور
استعدا نامه نک مدت قانونیه به موافق اولدیغی
اکلاشلدیغندن اوراق مرقومه دائره جه قرائت
ومطالعه اولندی .

مذکور مضبطه نک مالی اسکندرون قضاسنه تابع
قره حسینلی و عرب دره سی قریه لری اهالیسندن بعض
اشخاصدن فضله عشر آللمرندن طولای مطنون علیهما
اولان قرای مذکوره ملتزمی عرب محمد اغانک جنایتله
ومعشری مصطفانک جنحه ایله لزوم محاکمه لرینه دائر
مستنطق طرفندن ویریلان قرارنامه هیئت اتهامیه جه
بالتدقیق قرارنامه مذکورک فسخیله مسئله نک عائدیتی
جهتیه مجلس اداره جه فصل ورؤیتنه قرار ویرلدیکندن

ومذکور استدعاینامهیه مربوط لایحهده مندرج اعتراضاتک خلاصهسی دخی ملتزمین ایله آدمربنک یعنی معشرلرک فضلہ اعشار اخبذ ایللری جرایم شخصیهدن وافعال ممنوعهدن اولدینی قانون جزانک یوز سکرزنجی مادهسی صراحتیهله مرتبه بدهاتده اولدقدن بشقه بومثلو دعاوینک مجالس ادارهیه عائدیتی حقنده قوانین ونظامات موضوعهده برکونه قید وشارت بولندینی حالده بروجهحرر قراروریلسی یولسز ومخالف قانون اولدیفندن وسائردهن بمخله مذکور مضبطهک نقضی طلبندن وتبلغنامهک مفادی دخی لایحه تمیزیهده سرد اولنان اعتراضات بحاکم کورنمش اولدیفندن مضبطه مذکورک نقضی لازم کله چکی بیانندن عبارتدر .

ایجابی لدی المذاکره ملتزمین آحاددن بولندینی کی مرقومانه اسناد اولنان فعل دخی فضلہ عشر آتی مادهسی اولسنه نظراً رؤیت دعوانک محاکم عدلیه عائدیتی درکار ایکن هیئت اتهامیهجه مجلس ادارهیه عائد اولدیفنه قرار ویرلسی یولسز ومخالف قانون اولدیفندن اصول محاکمات جزائی قانونک اوچیوز اون دردنجی واوچیوز اون طقوزنجی مادهلری احکامنهتوفیقاً مذکور مضبطهک ذکر اولنان اسبابدن طولای نقضه واوراق مرقومهک محله اعادهسنه ۸ اغستوس سنه ۳۲۲ تاریخده متفقاً قرار ویرلدی .

درسمادت جنایت محکمهسندن تنظیم واعطا قلنان اعلامدر :

اوچیوزیکرمی برسنهسی اغستوسنک اون ایکنجی جمعه کونی ساعت یدی قرارلرنده ایازمه قیوسنده خرستینا قادینک خانهسنده جرح وقتل ایدیلان جلال افندیکن کیفیت جرح وقتلندن طولای مظنون علیهما اولان ایاصوفیه کیر جوارنده بلدیہ انچهسی قارشوسنده واقع دکانده آریه جیلق ایدن الی یاشنده نوشهرلی پراشکوه ولد حاجی سیمون ومذکور دکانده چراقلق ایلان اقسرائی قضاسنک کلوه قریهسی اها لیسندن یکرمی اوچ یاشنده واسیل ولد یوانک جنایتله اتهاملرینه دائر هیئت اتهامیهدن تنظیم قلنان مضبطه ایله استیناف مدعی عمومیلکنک ۴ نیسان سنه ۳۲۲ تاریخ و ۳۲ نومرولی اتهامنامهسی اوراق متفرعه سیله برابر محکمه جنایته تودیع قلنمغله بالمطالعه تفصیلاتی اولبالده طوبیلان ضبطنامهدن مستبان اولهجنی اوزره اصول محاکمات جزائی قانونک باب ثانیسنک فصل رابعده محرر اولان معاملات ابتدائیہ بعد الایضا متهمان واسیل وپراشکوهک اجرای محاکملری ایچون

۳۲۲ سنهسی نیساننک یکرمی ایکنجی جمعه ایرتسی کونی بالتین یوم مذکورده متهمان مرقومان علی الاصول توقیفخانهدن کتوردیلرک استیناف مدعی عمومی معاونلرندن عزتلو بهجت بک ایله وکیل مدافع ارتین زلیجیان افندی ومتهم پراشکوه طرفندن بالاتخاب وکالتلری تسجل قلنان محکمه نزدنده مستخدم دعوی وکیللرندن حسن بک وداوید افندی موقع مخصوصلرنده حاضر اولدقلری حالده محاکمه سالونه چیقادی .

علی هذا محاکمه علییه مباشرت ومدعیه شخصیه امینه نبره خامه جلبنامه تبلیغ قلندینی حالده اثبات وجود ایتمدیکی اجلدن معاون مومی الیهک مطالعهسی وجهله غیابنده اجرای محاکمه قرار ویرلرک قرار لاحقک جانب ریاستدن طرفینه تعهیمنه مبادرت قلندی .

متهمان واسیل وپراشکوهک هویتلری بالتدقیق استجواب ضبطنامهسنده محرر اولدینی اوزره تعین ایتمکدن ومتهمان مرقومان ایله وکیل مومی الیهمه اخطارات قانونیه ایفا قلندقدن صکره هیئت اتهامیه مضبطهسی واتهامنامه ضبط کاتبی عبد الصمد افندی طرفندن قرائت اولندی .

مضبطهده جلال افندیکن تعمداً جرح وقتل اولسنندن طولای مظنون علیهما اولان واسیل وپراشکوهک اتهاملرینه اوراق تحقیقهده محرر واسیل اقراری وشهودک اخباراتی ومعاینه وکشف راپوری مندرجاتی کافی کورلش وبولردن واسیلک حرکتی قانون جزانک یوز یتشجی وپراشکوهک دخی یوز سکان دردنجی مادهسنک فقره اخیرهسی احکامی مستلزم افعال جنایهدن بولنش اولدیفندن جنایتله اتهاملرینه قرار ویرلدیکی واتهامنامهده دخی مرقومانک مضبطه مذکور مندرجاتی وجهله اتهام ایدلکلری مسطر در .

اتهامنامهک خلاصهسی جانب ریاستدن متهمان واسیل وپراشکوهیه تعهیم وتوضیح ومعاون مومی الیه جانبندن دخی دعوانک تشریح قلنمنسی معقب متهمان مرقومان سولندیرلرکده بولردن واسیل صوفینک خانهسنه کیتدیکی کی جلال افندی دخی طانیمدینی والخاصل مومی الیهی قتل ایدیکنی وصوفینک زرده اقامت ایدیکنی دخی بیلمدیکنی درمیان وضابطهده اقرار جرم ایدیکنی اخطار اولهرق نه دیه چکی استفسار اولدقدنه کندوسنی قره غولخانهده ضرب ایتدکلری فقط ضربی اثبات ایدمهز اولدیفنی ومقتول جلال افندی طانیمدینی وخرستینا قادینک خانهسنه کیتدیکندن وانکله مناسبتده بولندیفندن دخی معلوماتی اولدیفنی بیان ایتمکله استیضاحه دوامله

ایازمه قیوسنه نه ایچون کیتدیکی خصوصاتی وتقرعاتی استعلام اولدقدنه اوستهسی پراشکوه طرفندن کیک المق اوزره اون قیانه کیتدیکنی وصوفیهک خانهسی اوکندن کچمکده ایکن مزبورهک واقع اولان دعوی اوزرینه خانهسنه کیردیکنی وبرمدت اوطوردقدن صکره صدوغنده بولنان اشیانک نقصانیت وضیاعندن بمخله کندوسنی ضرب ایتدیکنی وکندوسنده بمحاق بولندیفنی وکندوسنی دردستله مرکز کتوردکلرند جلال افندی نامنده برینک جرح ایدلش اولدیفنی خبر الدیفنی وصوفی اوستهسی پراشکوهک قیانهسی اولدیفندن وقعهدن برکون مقدم رضالریله آیرلش اولدقلری ومزبورهک اشیا سی کوتورن حاملر ایازمه قیوسنده مقیمه اولدیفنی سولندکلرندن کندوسیده ایشتمش وبناء علیه مزبورهک محل اقامتی اوکرتمش ایدوکی بیان وافاده مضبوطه استنطاقیهسی قرائت اولهرق اوستم پراشکوه بکا پاره ویدی ساعتاتی بمحق قرارلرنده قیانه دقیقه کیتدم کیک الوب دکانه کوندردم وبنده اورادن ایازمه قیوسنده خرستینا قادینک خانهسنه کیتدم اوستمک فامیلیسی اوراده ایدی چاغردم کل دیوبوقاری به چقارتدی وبراطویه لدی اوراده برافندی واردی بی کورنجه اوزرینه هجوم ایدرک ضرب ایتمک باشلادی فریاد ایتدم یولسیر کلوب بی دردست ایتدی دیدیکی اخطار اولدقدنه افاده استنطاقیهسی طوغری اولوب انحق اوطیه کیردیکنی وبرافندیک اوطوروب عشرت ایتدیکنی سولدیکنی درمیان ایددی .

پراشکوه دخی وقه کونی چراغی دیگر متهم واسیل کیک المق اوزره قیانه دقیقه کوندردکلن برزمان صکره ککلر ورود ایتش ایسهده واسیل کلدیکنی وبالاخره مرقومک جلال افندی نامنده برذاتی قتل ایدیکنی خبر المش ایسهده مقتول مومی الیهی طانیمدینی کی متهم واسیهده مومی الیهک قتله دائر برامه ویرمدیکنی ووقعهدن برکون مقدم صوفیه ایله بالرضا آیرلقلری ومزبورهک کیتدیکی محل تحقیق ایتموب انحق اشیا سی کوتورن حاملر بالاخره فضلہ برپاره اخذ ایتمک امالیله دکانه ورود ایتدکلرند کندیلکلرندن صوفیهک ایازمه قیوسنده برخانهده اوطوردیفنی سولدیکنی واولوقت واسیل یاننده بولندیفندن بالطبع ایشتمش ومعلوماتی لاحق اولش ایدوکی ومزبوره صوفیه نکاحلیسی اولموب برقاچ سنه برابر اولهرق ایاصوفیهده واقع دکانده اوقاتکذار اولدقلرندن مزبورهده چوجنی اولدیفنی ومزبورهده بالرضا آیرلقلری مثبت مقاوله سندی تنظیم ایتدکلری وقله دائر کندوسنک برکونه دخلی بولندیفنی سولیدی .

بکر ایله شرفیهی ضرب ایتدکلری ثابت اولان محمد ایله ملکک بر هفته حبسلرینه هایقائوشک اموالنه ایراث خسار ایدن النی دن اون بشلک جزای نقدی اخذینه اشرف افندی بی ضرب وجرح ایتدکلری ثابت اولان یورکی ومیچو ومانول وتودوسک اوزرکون حبسلرینه طاش آتهرق یانینک وفاته سببت ویردیکی اکلاشیلان چاچیکک یدی ماه حبسنه قبری ضرب وجرح ایتدیکی اکلاشیلان خرملبونک برهفته حبسنه

قره تی یکرمی کوبدن زیاده ایشندن قالهحق درجهده جرح ایدلیکی تبین ایدن قیل بروننده ساکن قاپریکک ایکی ماه مدته حبسنه وایکی یوز سکسان غروش مصارف جراحیه ایله یوز اون غروش اجر مثاک بالتحصیل مجروحه اعطاسنه یونانی علسکساندرک بانکسیچیلک ایتدیکی تبین ایتمکله درت آی حبسنه وختام مدتنده کفالته ربطته تبعه یونانیهدهن شیشلیده ساکن ایمینوندانک نیقولینک سندی چاک ایدلیکی ثابت اولدیفندن برسنه حبسیله برابر کندوسندن برلیرا جزای نقدی اخذینه ومذکور سندیلدنن الی لیراسی استیفا قلندینی جهته بقیهسی بولنان سکرلیراویکرمی سکرزغروشک بالتحصیل مشتی مرقومه اعطاسنه

فروختی ممنوع پرومسی صائدینی تبین ایدن بک اوغلنده ساکن یونانی دیمتریدن بر آلتون جزای نقدی اخذینه خرملبویه محل ناموس سوز سولیلان استنفودن برالتون جزای نقدی اخذینه

جامع شرفندن قوندیره اخذوسرقت ایدن عمرک اوچ ماه حبسنه

اردمک اموالنه ایراث خسار وتشیرسلاح ایدن عباسک اون بش کون حبسنه درسمادت ، بک اوغلی واسکدار بدایت محاکمی جزا دائرلرنجه قرار ویرلشدر .

اعلانات

درسمادت استیناف مدعی عمر میلکنده :

بیک اوچیوز یکرمی ایکی سنهسی ایلونک اوننجی کیجهسی طاقو بازارنده عمر افندی بی بالبور جرح وقتل ایدلیکی ادعاسیله مظنون علیه اولوب محل مذکورده اوتوزسکرز نومرولی انسطاشک قهوه خانهسنده ساکن ایکن وقعهی متعاقب فرار ایتش اولان استرانجهک ترکوس قضای اها لیسندن اورته بویلی آتیق آلینی عادتاً برونی قره کوز وقاش وصاچلی اون طقوز

باشنده قوندیره چی چراغی یورکی ولد استراقوفک اصول محاکمات جزائی قانوننک مواد مخصوصهسی احکامنه توفیقاً جنایت محکمهسنده محاکمهسی اجرا قلنمق اوزره قانون جزانک یوزیتش دردنجی مادهسی موجبنه جنایتله اتهامنه قرار ویرلیدکنن متهم مرقومک هر زرده کوریلورسه طوبیلوب محکمه مذکورده توقیفخانهسنه تسلیمی لازم کله چکی بالجه ضابطه عدلیه مأمورلرینک معلومی اولق اوزره اشبو اخذ وکرفت مذکرهسی درسمادت هیئت اتهامیهسندن بالتتظیم اعطا قلندی .

ایکنجی حکم بانهده :

مقدما درعلیهده انا نیادی خاننده مقیم صراف دیمتری ارزو اوغلنک ۲۰ کانون اول سنه ۳۲۲ تاریخندن اعتباراً اعلان افلاسه ومصالخ افلاسیهک رؤیت وتسویهسی ضمتنده اعضای محکمهدن عزتوصادق بکک زورقومیسر ودعوی وکیللرندن مناسه افندیکن موقت سندیک تمینلرینه ومغازسیله اشیا زائده بیتیهسنک تمهرینه واوراق ودفاترینک جلبنه وکفالت معتبره ارايه ایدمدیکی تقدیرده حبس وتوقیفنه وبوبابدهکی قرارک موقه اجراسنه ایکنجی تجارت محکمهسندن قرار ویرلش اولدیفندن قانوننامه تجارتک ۱۷۰ نجی مادهسی موجبنه دائمی سندیکلر انتخاب اولمق اوزره اشبو کانون ثانیکن اون سکرزنجی بخشیه کونی ساعت یدی راده لرنده انتخاب مطلوبک محکمه مذکورک مصالح افلاسیه رؤیتیه مخصوص اوطهسنه کلری اعلان اولتور .

حکم بانهده اجرا داره سنهده :

صراف مینانک یازجی یورکی میراطیدیس ذهتنده برنجی محکمه تجارتدن ویریلان وصورتی ۱۱ تموز سنه ۳۲۲ تاریخنده مدیون مرقومه تبلیغ قلنان ۱۳ مایس سنه ۳۲۲ تاریخلی اعلام موجبنه الهجنی اولان قرق بر بمحق لیرا اون ایکی غروشی قاض ومصارف محاکمه سیله برابر اشبو کانون ثانی رومینک اوننجی چهارشنبه کوندن اعتباراً طقسان برکون ظرفنده مدیون مرقوم یورکی موقع اجرایه مراجعتله تسویه ایلسی وقانوناً قبوله شایان بر دیه چکی اولدینی تقدیرده مدت مرقومه ظرفنده تحریر بیان ایتسی وایتمدیکی ودینی تسویه ایدلیکی حالده مبلغ محکوم بیک تأمین استیفا سیچون حیز آتته المش اولان قوزغنجقده قومبو اوغلی زقاغنده متوفاه بیسوک والدهسی قدتقو بنت میخالدن منتقلاً متصرف اولدینی عرصهدهکی حصه شایهسنک فروختیه امانندن استیفا ی مطلوب

ایتدیریه جکی معلوم اولمق اوزره تنظیم اولنان اشبو اخبار نامه مدیون مرقومک الیوم اقامتکاهی مجهول اولمق ملاسه سیله اصول محاکمه حقوقیه نک یکریمی التنجی واجرا قانوننک یکریمی طقوزنجی ماده لرینه توفیقاً مرقوم یورکیه تبلیغ ایدلمش عداولتمق اوزره محکمه تجارت اجرا دائره سی دیوانخانه سنه تعلیق اولندیگی کبی غزنه لرله دخی اعلاننه مبادرت قلندی.

درسمات نظامی اجرا دائره سنه :

شناسی مرتضی واحد زاده لک با اعلام نظامی عثمان نظام الدین بک ذمتده حسب الکفاله آله جفی اولان مبالغک تأمین استیفاسی ایچون مدیون مومی الیهک پدرندز، منتقل بک اوغلنده اصمهلی مسجد محله سنده جاده کیرده تخمیناً طقوز یوز الی آرشون عرصه اوزرینه مبنی ایکویوز سکسان الی وایکیوز سکسان سکرز نومرولو بیرخانه ومغازه ومع اوطه لرده مدیون مومی الیه انتقال ایده جک اولان یدی حصه دن بر حصه سنک تاریخ اعلاندن اعتباراً اون بش کون صکره بالمزایده فروخته تشبث اولنه جفی درسمات اعلامات نظامیه اجرا دائره سنندن اعلان اولنور .

اذمیدده پرتو محمد پاشا جامه شیرینک دور خواننه

ومدرسه سنک طعامیه سنه مشروطه نقود موقوفه سنندن اولوب متولیس نافع افندینک ایکی قطعه مقتضای اعلامی موجبده اذمیدده چقور باغ محله سی ساکنلرندن زنجی امین چاوش ذمتده اله جفی اولان مبالغ معلوم مه نک تأمین استیفاسیچون مدیون مرقومک متصرف اولدیگی اذمیدده تابع بوبر اوغلی قریه سنده کائن معلوم الحدود تخمیناً اون دوئمدن عبارت برقطعه فورینک درت حصه دن اوچ حصه سی وینه قریه مرقومه ده معلوم الحدود اون طقوز ویکریمی دوئمدن عبارت ایکی قطعه قورینک نصفنک سکرده الی حصه سی درت حصه اعتباریه اوچ حصه سی وینه قریه مرقومه جوارنده واقع ویکریمی بردونمی حاوی برقطعه قورینک سکرده الی حصه سی درت حصه اعتباریه اوچ حصه سی بوکره داین مومی الیهک طلیله بوکره حجز وفروختی قرارلشدیرلمش اولدیغندن تاریخ اعلاندن اعتباراً اون بش کون صکره بالمزایده فروخته تشبث اولنه جفی اذمیدده بدایت محکمه سی اجرا دائره سنندن اعلان اولنور .

اذمیدده بقال اصنافدن قره ملقون اوغلی داوید اغانک انقرده مسافره مقیم احمد پاشا زاده الای یکی

عزتلو ممش بک ذمتده با اعلام محکوم به اله جفی اولان مبالغ معلومه نک تأمین استیفاسیچون مدیون مومی الیهک عهدۀ تصرفده اولوب بوندن اقدم حجز آلتنه الهرق موقع مزایده یه چیقاریلان اذمید جوارنده کائن احمد پاشا چفتلکی دیمکله معروف چفتلکده یکریمی الی قطعه اراضی ومرعه ده کی الی حصه اعتباریه بر حصه شایعه سی بالمزایده بش بیک غروش بدل ایله طالبی عهده سننده تقرر وبرنجی قرار داده سی اجرا قلمش اولدیغندن بوتدن زیاده یه یعنی یوزده بش ضم ایله طالب اولانلرک ودها زیاده معلومات المقایستیانلرک تاریخ اعلاندن اعتباراً اوتوز بر کون ظرفنده دائره اجرایه مراجعتله پی سورملری لازم کله جکی ومدت مذکورده نک انتضاسنی متعاقب قرار قطعیسی کشیده قلنه جغندن اندن صکره ضم قبول اولنیه جفی اذمید بدایت محکمه سی اجرا دائره سنندن

اذمیدده واقع پرتو محمد پاشا مدرسه سنک طعامیه سنه مشروطه نقود موقوفه سنندن اولوب متولیس نافع افندینک برقطعه مقتضای اعلامی موجبده اذمیدده چقور باغ محله سی ساکنلرندن زنجی امین چاوش ذمتده اله جفی اولان مبالغ معلومه نک تأمین استیفاسیچون مدیون مرقومک مالی اولوب متولی مومی الیه نزدنده مرهون اولان برچفت الماس کوپه وبرچفت الماس منکشه ایکنه ویکریمی دیزی اینجونک بوکره فروختی قرارلشدیرلمش اولدیغندن تاریخ اعلاندن اعتباراً اوچ کون صکره بالمزایده فروخت اولنه جفی اذمید سنجانی بدایت محکمه سی اجرا دائره سنندن اعلان اولنور .

مدلولر بدایت محکمه سی اجرا دائره سنه :

پنایوط واسیلیو اوغلرینک مستغالی متوفی خرملبو واسیل بورنه طه ذمتده با اعلام محکوم به اله جفی بولنان مبالغ معلومه نک تأمین استیفاسیچون محجوز بولنان مستغنا قریه سنک اوچنجی قغاوه موقعنده طقوز نومرولی زیتونلک مع چالینگی اجرا قلنان مزایده سننده یکریمی بشیک غروش بدل ایله طالبی عهده سننده تقرر ایدرک موقه قرار داده سی کشیده قلمش اولمغله تاریخ اعلاندن اعتباراً اوتوز برکون ظرفنده یوزده بش ضم ایله طالب اولانلرک مدلولو سنجانی بدایت محکمه سی اجرا دائره سننه مراجعت ایللری اعلان اولنور .

دعوی وکیلی پانده لاک ویلا خوبلینک پافله قریه سنندن پنایوط ولد یورکی بوستان ذمتده اله جفی

بولنان مبالغ معلومه نک تأمین استیفاسیچون محجوز بیکی قریه سنک ققاودنو موقعنده اوتوز وویرتیا موقعنده اون بش نومرولی زیتونلک مع جبل وقومی قریه سنک قونی دره واسکی فوجه موقعلرنده الی ویکریمی اوچ وبش ویدی نومرولی زیتونلک وجبل که الی قطعه املا کده قرق سکرز سهمدن اون درت سهم حصه سی تاریخ اعلاندن اعتباراً اون بش کون صکره مزایده یه چیقاریله جغندن طالب اولانلرک مدلولو سنجانی بدایت محکمه سی اجرا دائره سننه مراجعت ایللری اعلان اولنور .

مدلولوده مقیم امانوئل بورنازونک متوفی استیلانو دیمتری بلغاری ذمتده با اعلام محکوم به اله جفی اولان مبالغدن طولای مرهون بولنان الیفانده قریه سننده قرق ایکی وقرق اوچ وقرق درت وقرق بش وقرق الی نومرولرله مرقم بش قطعه املا کنک تاریخ اعلاندن اعتباراً اون بش کون صکره مزایده سننه تشبث اولنه جغندن طالب اولانلرک مدلولو سنجانی بدایت محکمه سی اجرا دائره سننه مراجعت ایللری اعلان اولنور .

مدلولوده مقیمه خریساتی بنت میخالاک قره اوغلانک پافله قریه سنندن یانی کیه جی ورته سنندن پنایوط وپینلوب اسقامبا ذمتده اله جفی بولنان مبالغدن طولای متوفی یانی که جینک عهده سننده بولنان پافله قریه سنک ایکنجی ایا پوستول موقعنده الی ایکی نومرولی نصف زیتونلکی محجوز اولوب تاریخ اعلاندن اعتباراً اون بش کون صکره مزایده سننه تشبث اولنه جغندن طالب اولانلرک مدلولو سنجانی بدایت محکمه سی اجرا دائره سننه مراجعت ایللری اعلان اولنور .

مدلولوده دعوی وکیلی استراقی طاسه افندینک مدلولو تجارت محکمه سنندن لاحق اولان ۱۲ تموز سنه ۳۲۲ تاریخلو اعلامله میخائلو واسیلیو افندی ذمتده اله جفی بولنان مبالغ معلومه نک تأمین استیفاسی ضمتده مدلولونک چشمه میدانی زقاقنده الی وسکرز واون نومرولی اوچ باب مغازه ده کی ربع حصه سی محجوز اولوب تاریخ اعلاندن اعتباراً اون بش کون صکره مزایده سننه تشبث اولنه جغندن طالب اولانلرک مدلولو سنجانی بدایت محکمه سی اجرا دائره سننه مراجعت ایللری اعلان اولنور .